

四庫全書

子部

欽定四庫全書

冊府元龜卷八百八

宋王欽若等撰

總錄部

遠名勢

避嫌

嫉惡

遠名勢

詩曰既明且哲以保其身又語曰以約失之者鮮矣故士君子蘊明哲之心秉貞靜之操畏權臣之盛滿將求婚而輒拒避貴戚之氣焰彼願交而不答不屑毀譽而

盡心納忠靜退守貞而罔求干預或不矜於富貴或不就其徵辟時人重其立志來者仰其清風載諸縑緡斯可尚矣

漢劉德為宗正妻死大將軍霍光欲以女妻之德不敢畏盛滿也

雋不疑為京兆尹大將軍霍光欲以女妻不疑固辭不敢當

後漢鄧禹封高密侯以特進奉朝請禹以天下既定當

遠名勢

王丹京兆下邳人資性方潔鄧禹表丹領左馮翊稱疾不視事免歸後徵為太子太傅時大司徒侯霸欲與交友及丹被徵遣子昱候於道昱迎拜車下丹下答之昱曰家公欲與君結交何為見拜丹曰君房有是言丹未之許也

張霸為侍中時皇后兄虎賁中郎將鄧騭當朝貴戚聞霸名行欲與為交霸逡巡不答

李通尚寧平公主為大司空通性謙恭常避權勢謝病  
不視事

馬廖援子也少以父任為郎明德皇后立為虎賁中郎  
將廖性質誠畏慎不受權勢聲名盡心納忠不屑毀譽  
王謙父暢祖龔皆為三公謙為大將軍何進長史進以  
謙名公之胄欲與為婚見其二子使擇焉謙勿許以疾  
免卒於家

晉鄭默為光祿勳后父楊駿先欲以女妻默子豫默曰

吾每讀雋不疑傳常想其人畏遠權貴奕世所守遂辭  
之

解系梁州刺史脩之子也清身潔已時荀勗門宗強盛  
朝野畏憚之勗諸子謂系曰我與卿為友應向我公拜  
勗又曰我與尊先使君親厚系曰未奉先君遺教公若  
與先君厚往日哀頓當垂書問親厚之誨非所敢承

宋謝瞻晉末為宋國中書黃門侍郎相國從事中郎弟  
晦時為宋臺右衛權遇已重於彭城還都迎家賓客輻輳

門巷填滿時瞻在家驚駭謂晦曰汝名位未多而人歸趣乃爾吾家素以靜退為業不願干豫時事交遊不過親朋而汝遂勢傾朝野此豈門戶之福耶乃籬隔門庭曰吾不忍見此及還彭城言於高祖曰臣本素士父祖位不過二千石弟年始三十志用凡近榮冠臺府位任顯密福過災生其應無遠特乞降黜以保衰門前後屢陳高祖欲以瞻為吳興郡又自陳請乃為豫章太守晦或以朝廷密事語瞻瞻輒向親舊陳說以為笑戲以絕

其言晦遂建佐命之功任寄隆重瞻愈憂懼永初二年  
在郡遇疾不肯自治幸於不永晦聞疾奔往瞻見之曰  
汝為國大臣又總戎重萬里遠出必生疑謗時果有訐  
告晦反者瞻疾篤還都高祖以晦禁旅不得出宿使瞻  
居于晉南郡公主壻羊賁故第在領軍府東門瞻曰吾  
有先人弊廬何為於此臨終遺晦書曰吾得啓體幸全  
歸骨山足亦何所多恨弟思自勉勵為國為家遂卒時  
年三十五謝瞻晦弟也初為州主簿中軍行參軍太子



舍人俄遷秘書丞自以兄居權貴已蒙超擢固辭不就  
王敬弘臨沂人也文帝元嘉中為左光祿大夫東歸後  
徵為太子少傅不就子恢之被召為秘書郎敬弘為奉  
朝請與恢之書曰秘書有限故有競朝請無限故無競  
吾欲使汝處於不競之地太祖嘉而許之

謝弘微為右衛將軍元嘉六年東宮始建領中庶子又  
尋加侍中弘微志在素官畏忌權寵固讓不拜乃聽解  
中庶子

孟顓字彥重本昌安人兄昶貴盛顓不就徵辟昶死後起家為東陽太守

江湛為彭城王義康司徒主簿太子中舍人司空檀道濟為子求湛妹婚不許義康有命又不從時人重其立志義康欲引與日夕湛固求外出乃以為武陵內史

後魏楊津有六子長子道字山才其家貴顯諸子弱冠咸縻王爵而遁性澹退年近三十方為鎮西府主簿

北齊韓晉明嗣封東萊王有俠氣朝廷處之貴要必以

金史卷八十八  
疾辭告人云廢人飲美酒對名勝安能作刀筆吏披反  
故紙乎武平末為僕射百餘日便解官

後周蔡祐明帝時為小司馬帝之為公子也與祐友昵  
及即位禮遇彌隆祐嘗辭疾避之至於婚姻尤不願交  
於勢要

唐薛元敬收之從父兄子也為天策府參軍兼掌記室  
與收俱為文學館學士時房杜等處心腹之寄深相友  
託敬畏於權勢竟不之狎如晦嘗云小記室不可得而

親不可得而疎

王義方泗州漣水人也少孤貧事母甚謹博通五經而  
蹇傲獨行初授晉王府參軍直弘文館特進魏徵甚禮  
之將以姪女妻之義方固辭無幾徵卒義方竟娶徵之  
姪告人曰昔不附宰相之勢今感知已之言故也

楊於陵為潤州句容主簿韓滉節鎮金陵以女妻之秩  
滿為岳鄂江西二府從事累官至侍御史韓滉自江南  
入朝總將相財賦之任德宗頗任遇權傾中外於陵自

江西府罷卜築於建昌以讀書山水為樂混歿德宗貞元八年徵拜膳部員外郎

韓公武自宣武馬部都虞侯將兵誅蔡賊授鄜州節度使憲宗元和十四年父弘入朝公武乞罷節度入為右金吾將軍既而弘出鎮河中季父充乃移鎮宣武歎曰二父聯居重鎮吾以孺子當金吾之職家門之盛懼不克勝堅辭宿衛改右驍衛將軍性頗恭遜不以富貴自處

王龜宣宗大中中為太常少卿以弟鐸入相不願在朝  
出為同州防禦使

後唐孔邈兗州曲阜人文宣王四十一代孫乾寧五年  
登進士第除校書郎崔遠在中書奏萬年尉充集賢校  
理以親舅獨孤損方在廊廟避嫌不赴職

### 避嫌

夫處簪纓之族任臺閣之官而有服之親不敢相臨蓋  
避嫌之道也若乃父秉國鈞而靡求仕進兄居柄用而

固辭近職此蓋奉公之亮節飾身之遠謀雖與內不避  
親疎不避仇者殊然而閑邪存誠防微杜漸亦足尚矣  
宋傅隆為尚書左丞以族弟亮為僕射總服不得相臨  
徙太子率更令

王球為義興太守從兄弘為揚州以服親不得相臨遂  
加宣威將軍

唐蘇頲弟誥初拜給事中時頲為中書侍郎上表讓誥  
所授玄宗曰古來有內舉不避親乎頲曰晉祁奚是也

玄宗曰若然則朕用蘇詵何得屢言近日知父子猶同  
在中書兄弟有何不得知言非至公也

馬炫為左散騎常侍以弟燧拜司徒兼侍中以親避轉  
刑部侍郎

李德裕字文饒幼有壯志苦心力學尤精西漢書左氏  
春秋恥與諸生從鄉賦不喜科試年纔及冠志業大成  
貞元中以父吉甫譴蠻方隨侍左右不求仕進元和初  
以父再秉國鈞避嫌不仕臺省累辟諸府從事



杜從郁為左拾遺司徒佑之子也元和元年九月以從郁為祕書丞郁始自太子司議郎為左補闕右補闕崔羣韋貫之左拾遺獨孤郁等上疏以為宰相之子不合為諫諍之官於是降為左拾遺羣等又奉云拾遺與補闕雖資品不同而皆是諫官父為宰相而子為諫官若政有得失不可使子論父於是改授

權德輿元和五年入相起居郎翰林學士獨孤郁以德輿之壻命守本官罷學士

鄭瀚為考功員外郎改國子博士史館脩撰以父任僕射故也

王起為吏部侍郎文宗太和元年六月以起為兵部侍郎充集賢殿學士判院事時起兄播為僕射平章事起在選部非便故移於他曹以集賢之職兼之

梁趙光裔為翰林學士中書舍人開平三年為光祿太常少卿以兄光逢擢升相位固辭近職避親嫌也

後唐孔邈為萬年尉充集賢校理以親舅獨孤損在中

書避嫌不赴職

楊注為戶部侍郎充翰林學士宰相涉之弟也哀帝二年三月勅兄既秉於樞衡弟故難居宥密可守本官罷內職

嫉惡

仲尼有言曰惟君子能好人能惡人蓋有挺勁直之性稟直清之操嫉夫姦佞形於言色以至當官而行守法無貳抗志靡惑繇衷自信或裂裳裹足以長驚或操觚

著論以申貶周愛陳迹以洩其憤怒激厲薄俗以扶於  
名教責敗田之夫鄙其繇徑譏貝錦之子斥是讒言惡  
彼犬羊之質奮茲鷹鷂之志非剛毅中立卓然有守者  
孰能及於是哉其或觀過所從不於其黨多僻之世疾  
之已甚良非斯人之徒與

齊公子元其弟商人弑其君舍而自立是為懿公公子

元不順懿公之為政也終不曰公曰夫已氏

猶言  
某甲

介子推晉人秦送文公至河舅犯曰臣從君周旋天下

過亦多矣臣猶知之况於君乎請從此去矣重耳曰若  
反國所不與子犯共者河伯視之乃投璧河中以與子  
犯盟是時介子推從在船中乃笑天實開公子而犯以  
為已功而要市於君固足羞也吾不忍與同位乃自隱  
陳文子齊大夫崔子弑其君陳文子有馬十乘棄而違  
之崔杼作亂陳文子惡之棄其四匹馬違而去也至於他邦則曰猶吾大夫  
崔子也

子產鄭大夫也鄭徐吾犯之妹美

犯鄭大夫

公孫楚聘之矣

楚子南  
穆公孫

公孫黑又使強委禽焉

禽鴈也納  
採用鴈

犯懼告子產子

產曰是國無政非子之患也惟所欲與犯請於二子使

女擇焉皆許之子皙盛飾而入布幣而出

布陳贄幣子  
皙公孫黑

子南戎服入左右射起乘而出女自房觀之曰子皙信

美矣抑子南夫也

言丈  
夫

夫夫婦婦所謂順也適子南氏

子皙怒既而囊甲以見子南欲殺之而取其妻子南知之

執戈逐之及衝擊之以戈

衝交  
道

子皙傷而歸告大夫曰

我好見之不知其有異志也故傷大夫皆謀之子產曰

直均幼賤有罪罪在楚也

先聘子南直也用戈子皙直也子產力未能討故均其事

歸罪於楚

乃執子南而數之曰國之大節有五女皆奸之

犯奸

也

畏君之威聽其政尊其貴事其長養其親五者所以

為國也今君在國女用兵焉不畏威也奸國之紀不聽

政也

奸國之紀謂傷人

子皙上大夫女嬖大夫而弗下之不尊

貴也幼而不忌不事長也

忌畏也

兵其從兄不養親也君

曰余不女忍殺宥女以遠勉速行乎無重而罪鄭放游

楚於吳將行子南子產咨於太叔

太叔游楚之兄子

太叔曰吉

不能亢身焉能亢宗

亢蔽也

彼國政也非私難也子圖鄭

國利則行之又何疑焉周公殺管叔而蔡蔡叔

蔡放也

夫

豈不愛王室故也吉若獲戾子將行之何有於諸游昭

公二年秋鄭公孫黑將作亂欲去游氏而代其位

游氏太叔

之族黑為游楚所傷故欲害其族

傷疾作而不果

前年游楚所擊創

駟氏與諸

大夫欲殺之

駟氏黑之族

子產在鄙聞之懼弗及乘遽而至

遽驛傳

使吏數之

責數其罪

曰伯有之亂以大國之事而未爾

討也

務共大國之命不暇治女罪

爾有亂心無厭國不女堪專伐伯



有而罪一也昆弟爭室而罪二也

謂爭徐吾犯之妹

薰隧之盟

女矯君位而罪三也

謂使太史書七子

有死罪三何以堪之不

速死大刑將至再拜稽首辭曰死在朝夕無助天為虐

子產曰人誰不死凶人不終命也作凶事為凶人不助

天其助凶人乎請以印為褚師

印子皙之子褚師市官

子產曰印

也若才君將任之不才將朝夕從女女罪之不恤而又

何請焉不速死司寇將至七月壬寅縊尸諸周氏之衢

衢道也

加木焉

書其罪于木以加尸上

又子產治鄭鄧析務難之與

民之有信老烈大信一衣小信褊褊曰之劄衣褊褊而  
學訟者不可勝數以非為是以是為非是非無度而可  
與不可日變所欲勝因傅致其罪鄭國大亂民口誼譁子  
產患之於是殺析民心是非乃定法律乃行

向戌為宋左師魯襄公十七年華閱卒華臣弱臯比之

室

臣閱之弟臯比閱  
之子弱侵易之

使賊殺其宰華吳賊六人以鉞殺

諸盧門合左師之後

盧門宋城門合左師向戌  
也賊殺華吳于向戌屋後

左師懼

曰老夫無罪賊曰臯比私有討于吳遂幽其妻

幽吳  
妻也曰

界余而大壁

界與也

宋公聞之曰臣也不唯其宗室是暴

大亂宋國之政必逐之左師曰臣也亦卿也大臣不順

國之恥也不如蓋之乃舍之左師為已短策苟過華臣

之門必騁昭公六年寺人柳有寵

有寵于平公

太子佐惡之

華合比曰我殺之

欲以求媚太子

柳聞之乃坎用牲埋書

詐為盟書

而告公曰合比將納亡人之族

亡人謂華臣也

既盟于北郭矣

公使視之有焉遂逐華合比奔衛于是華亥欲代

右師

亥合比弟也欲代合比得其處

乃與寺人柳比從為之徵曰聞之

久矣

華臣為右師

公使代之

比

見于左師左師曰女

夫也必亡

夫謂華亥

女喪而宗室于人何有人亦於女何有

言人亦不能愛汝

詩曰宗子維城母俾城壞母獨斯畏

詩大雅宗子之

固若城俾使也

女其畏哉

叔孫昭子魯大夫也昭公十年昭子聘晉齊高強奔魯

昭子至自晉大夫皆見高強見而退

高強子良

昭子語諸大

夫曰為人子不可不慎也哉昔慶封亡子尾多受邑而

稍致諸君君以為忠而甚寵之將死疾于公宮

在公宮被疾

輦而歸君親推之

推其車而送之

其子不能任是以此忠為

令德其子弗能任罪猶及之難不慎也喪夫人之力棄

德曠宗以及其身不亦害乎

夫人謂子尾曠空也

詩曰不自我先

不自我後其是之謂乎

言禍亂不在他正當身以喻高強自取此禍

孔子謂季氏八佾舞於庭是可忍也孰不可忍也

孰誰也佾

列也天子八佾諸侯六卿大夫四士二八人為列八八六十四人魯以周公故受王者禮樂有八佾之舞季桓

子僭于其家廟舞之故孔子譏之

又季氏旅于泰山子謂冉有曰女弗

能救與

旅祭名也禮諸侯祭山川在其封內者今陪臣祭泰山非禮也冉有時仕于季氏救猶正也

對曰不能子曰嗚呼曾謂泰山不如林放乎

神不享非禮放尚知

問禮泰山之神反不如林放邪欲誣而祭之

又季氏富於周公

周公天子之宰卿士

而

求也為之聚斂而附益之

冉求為季氏宰為之急賦稅

子曰非吾徒

也小子鳴鼓而攻之可也

小子門人也鳴鼓聲其罪以責之

又公伯寮

愬子路於季孫

愬諧伯寮魯人子路孔子弟子

子服景伯以告

魯大夫昭伯回

子也告告孔子

曰夫子固有惑志

季孫信讒惑子路

於公伯寮吾力猶

能肆諸市朝

吾勢力猶能辨子路之無罪於季孫使誅寮而肆之有罪既刑陳其尸曰肆

子

曰道之將行也與命也道之將廢也與命也公伯寮其

如命何又孔子為大司寇攝行相事于是誅魯大夫亂

政者少正卯又琴張聞宗魯死

琴張孔子弟子字子開名宰

將往弔

之仲尼曰齊豹之盜而孟縶之賊女何弔焉

言齊豹所為盜孟

縶所以見賊皆由宗魯

君子不食姦

知公孟不善而食其祿是食姦

不受亂

許豹行事

是受亂也不為利疚于回

疚病回邪也以利故不能去故病身于邪

不以回待人

知難

不告以侍邪人

不蓋不義

以周事豹是蓋不義周終竟也

不犯非禮

以二心事縶是非禮又

原壤夷俟

原壤魯人孔子故舊夷路俟待也路待孔子

子曰幼而不孫弟長而

無述焉老而不死是為賊

賊謂賊害

以杖叩其脛

孔曰叩擊也脛脚脛孔

子曰巧言令色足恭

足恭便  
解貌

左丘明恥之丘亦恥之

左

明魯  
大夫

匿怨而友其人

心自相怨  
而外詐親

左丘明恥之丘亦恥之

仲由字子路魯哀公十四年小邾射以句繹來奔曰使

季路要我吾無盟矣

子路信誠故欲得與  
相要誓而不須盟

使子路子路

辭季康子使冉有謂之曰千乘之國不信其盟而信子

之言子何辱焉對曰魯有事于小邾不敢問故死其城

下可也彼不臣而濟其言是義之也由弗能

漢汲黯字長孺濮陽人也為右內史坐小法會赦免官



後為淮陽太守既辭過大行李息曰黯棄逐居郡不得

與朝廷議矣然御史大夫湯張智足以拒諫詐足以飾

非非肯正為天下言專阿主意主意所不欲因而毀之

主意所欲因而譽之好興事舞文法舞猶弄也內懷詐以御

主心外挾賊吏以為重公列九卿不早言之何言何不  
早言也

公與之俱受其戮矣息畏湯終不敢言

李當戶為郎武帝與韓嫣戲少不遜當戶擊嫣走于是

帝以為能

後漢朱震字伯厚初為州從事奏濟陰太守單康贓罪并連康兄中常侍車騎將軍超桓帝收康下廷尉以譴超詣獄謝三府諺曰車如鷄棲馬如狗疾惡如風朱伯厚

岑暉為南陽太守成瑨功曹張牧為中賊曹吏宛有富賈張汎者桓帝美人之外親善雕鏤玩好之物頗以賂遺中官以此並得顯位恃其伎巧用勢縱橫暉與牧勸瑨收捕汎等既而遇赦暉竟誅之並收其宗族賓客殺

二百餘人後乃奏聞于是中常侍侯覽使汎妻上書訟其寃帝大震怒徵瑁下獄死晁牧遁逃亡匿齊魯之間會赦出

范滂為汝南太守宗資功曹委任政事滂在職嚴整疾惡其有行違孝悌不軌仁義者皆掃迹斥逐不與共朝蓋勳獻帝初為越騎校尉董卓不欲令典禁兵出為潁川太守徵還京師勳雖強直不屈而內厭於董卓不得意疽發背卒遺令勿受卓賻贈

張奐燉煌人為太常以黨罪禁錮歸田里奐少立志節  
董卓慕之使其兄遺練百疋奐惡卓為人絕而不受

王允太原人年十九為郡吏時小黃門晉陽趙津貪橫  
放恣為一縣巨患允討捕殺之後位至司徒

魏袁亮貞固有學行嫉何晏鄧颺等著論以譏切之位  
至河南尹尚書

晉閻纘為西戎校尉司馬趙王倫死既葬纘以車轆其  
冢

劉暉為司隸校尉其父毅疾馮統姦佞欲奏其罪未果而卒統位官日隆暉慨然曰使先人在不令統得無患王澄少歷顯位累遷成都王頴從事中郎頴嬖豎孟玖譖殺陸機兄弟天下切齒澄發玖私姦勸頴殺玖頴乃誅之士庶莫不稱善

秦秀為博士性忌讒佞疾之如讎素輕鄙賈充及伐吳之役聞其為大都督謂所親曰充文案小才乃居伐國大任吾將哭以送師

傅咸字長虞為議郎長兼司隸校尉剛簡有大節風格峻整識性明悟疾惡如仇

周馥為廷尉惠帝幸鄴成都王穎以馥守河南尹陳珍上官已等奉清河王覃為太子加馥衛將軍錄尚書辭不受覃令馥與上官已合軍馥以已小人縱暴終為國賊乃共司隸滿奮等謀共除之謀洩為已所襲奮被害馥走得免及已為張方所敗召馥還攝河南尹

應詹字思遠成都王穎辟為掾時驃騎從事中郎諸葛玫

委長沙王又奔鄴盛稱又之非玫浮躁有才辨臨漳人  
士無不詣之詹與玫有舊歎曰諸葛成林何與樂毅之  
相詭乎卒不見之玫聞甚愧

孔羣字敬林有智局志尚不羈蘇峻入石頭時匡術有  
寵於峻賓從甚盛羣與從兄愉同行於橫塘遇之愉止  
與語而羣初不視術術怒欲刃之愉下車抱術曰吾弟  
發狂卿為我宥之乃獲免後峻平王導保存術嘗因衆  
坐令術勸羣酒以釋橫塘之憾羣答曰羣非孔子厄同

匡人雖陽和布氣鷹化為鳩至於識者猶憎其目導有  
愧色羣仕至中丞

溫嶠為江州刺史持節都督平南將軍鎮武昌在鎮見  
王敦畫象曰敦大逆宜加斲棺之戮受崔杼之刑古人  
闔棺而定謚春秋大居正崇王父之命未有受戮於天  
子而圖形於羣下命削去之

范甯為中書郎儒雅方正其甥王國寶從妹為會稽王  
道子妻國寶持威權扇動內外甯嫉其阿諛勸孝武帝



黜之

范弘之為太學博士議殷浩贈謚為僕射王珣所怨出  
為餘杭令將行與會稽王道子牋曰下官輕微寒士謬  
得廁在俎豆實懼辱累清流惟塵聖世竊以人君居廟  
堂之上智周四海之外者非徒聰明內照亦賴羣言之  
助也是以舜之佐堯以啟闢為首咎繇謩禹以侃侃為  
先故下無隱情之責上收神明之功敢緣斯義志在輸  
蓋嘗以謝石黷累應被清澄殷浩忠貞宜蒙褒顯是以

不量輕弱先衆言之而惡直醜正其徒實繁雖仰恃聖  
主欽明之度俯賴明公愛物之隆而交至之患實有無  
賴下官與石本無怨忌生不相識事無相干正以國體  
宜明不應稍計強弱與浩年時邈絕世不相及無復藉  
聞故老語其遺事耳於下官之身有何痛痒而當為之  
犯時干主耶每觀載籍志士仁人有發中心任直道而  
行者有懷智陽愚負情曲從者所用雖異而並傳後世  
故比干處三仁之中箕子為名賢之首後人用捨參差

不同各信所見率應而至或榮名顯赫或禍敗繼踵此皆不量時趣以身嘗禍雖有硜硜之稱而非大雅之致此亦下官所不為也世人乃云下官正直能犯艱難斯談實過下官知主上聖明明公虛已思求格言必不使盡忠之臣屈於邪枉之門也是以敢獻愚誠布之執事豈與昔人擬其輕重邪亦以臣之事君惟思盡忠而已不應復計利鈍事不允心則謹言悟主義感於情則陳辭靡悔若懷情藏意蘊而不言此乃古人所以得罪於明

君明君所以致法於羣下者也桓溫事迹布在天朝逆順之情暴之四海在三者臣子情豈或異凡厥黔首誰獨無心舉朝嘿嘿未有唱言者是以頓筆按氣不敢多云桓溫於亡祖雖其意難測求之於事止免黜耳非有至怨也亡父昔為溫吏推之情禮義兼他人所以每懷憤發痛若身首者明公有以尋之王珣以下官議殷浩謚不宜暴揚桓溫之惡珣感其提拔之恩懷其入幙之遇託以廢黜昏闇建立聖明自謂此事足以明其忠貞

之節明公試復以一事觀之昔周公居攝道致升平禮樂刑政皆自己出以德言之周公大聖以年言之成王幼弱猶復遽避君位復子明辟漢之霍光大勲赫然孝宣年未二十亦反萬機故能君臣俱隆道邁千歲若溫忠為社稷誠存本朝便當仰遵二公式是令矩何不奉還萬機退守藩屏方提勒公王匡總朝廷豈為先帝幼弱未可親政邪將德桓溫不能聽政邪又逼脅袁宏使作九錫備物光赫其文具存朝廷畏懼莫不景從惟謝

安王坦之以死守之故得稽留耳會上天降怒姦惡自  
亡社稷危而復安靈命墜而復構晉自中興以來號令  
威權多出彊臣中宗肅祖歛衽於王敦先皇受屈於桓  
氏今主上親覽萬機明公光讚百揆政出王室人無異  
望復不於今大明國典作制百代不審復欲待誰先王  
統物必明其典誥貽厥孫謀故令間休嘉千歲承風願  
明公遠覽殷周近察漢魏慮其所以危求其所以安  
如此而已

古成詵為後秦給事黃門侍郎詵風韻秀舉確然不羣  
每以天下是非為己任時京兆韋高慕阮籍之為人居  
母喪彈琴飲酒詵聞而泣曰吾當私刃之以崇風教  
遂持劍求高高懼逃匿終身不敢見詵

宋孔寯子初為高祖太尉主簿與王華為司馬並有富  
貴之願太祖初徐羨之等秉權日夜構之於太祖寯子  
嘗東歸至金昌亭左右欲泊船寯子命去之曰此弑君  
亭不可泊也華每閒居諷詠常詠王粲登樓賦曰冀王

道之一平假高衢而騁力出入逢羨之等每切齒憤叱  
歎曰當見太平時不元嘉二年甯子病卒三年誅羨之  
等華遷護軍侍中如故

北齊魏蘭根為定州長流參軍丁母憂居喪有孝稱將  
葬恒山郡境先有董卓祠祠有栢樹蘭根以卓凶逆無  
道不應遺祠至今乃伐栢以為椁村人或勸之不伐蘭  
根盡取之了無疑懼

斛律光字明月為左丞相時祖珽為尚書左僕射所住



宅在義井坊大事脩築陸媪自往案行勢傾朝野光甚惡之遙見竊罵云多事乞索小人欲行何計數嘗謂諸將云邊境消息處分兵馬趙令常與吾等叅論之盲人掌機密來全不共我輩語正恐誤他國家事

隋王誼周閔帝時為左中侍上士時大冢宰宇文護執政勢傾王室帝時拱默無所關預有朝士於帝側微為不恭誼勃然而進將擊之其人惶懼請罪乃止自是朝士無敢不肅

唐韋倫為太常卿為宰相盧杞所惡改太子少保德宗  
幸奉天倫亦尋赴行在及盧杞白志貞趙贊等貶官關  
播罷相為刑部尚書倫於朝堂嗚咽而言曰宰相不能  
弼諧啓沃使天下一至於此今仍為尚書天下何繇致  
理聞者敬憚之及扈從還京時擢用盧杞為荊州刺史  
倫又再上表切言不可深為忠正之士所稱歎

陸贄為中書舍人翰林學士初贄受張鎰知得居內職  
及鎰為盧杞所排贄嘗憂惴及杞貶黜始敢上書言事

德宗好文益深顧遇奉天解圍後德宗言及違離宗廟  
嗚咽流涕曰致寇之繇實朕之過贄亦流涕而對曰臣  
思致今日之患者羣臣之罪也贄意蓋為盧杞趙贊等  
言也上欲掩杞之失則曰雖朕德薄致茲禍亂亦運數  
前定事不繇人贄又極言杞等罪狀帝雖貌從心頗不  
說吳通微兄弟俱在翰林亦承德宗寵遇文章才器不  
迨贄而能交結權倖共拒贄於帝前故劉從一姜公輔  
自卑品蒼黃之中皆登輔相而贄為朋黨所擠同職害

其能加以言事激切動失帝之歡心故久之不為輔相  
權德輿為太常卿時李繁者宰相泌之子初與翰林學  
士梁肅友善泌嘗命繁持所著文請肅為序繁亦自有  
學術肅待之頗厚因得日熟其門及肅卒繁竊亂其配  
士君子無不歎駭積年擯棄後起為太常博士德輿奏  
請斥之

柳公綽為山南東道節度使有道士獻丹藥試之有驗  
問所從來曰鍊此丹於薊門時朱克融方叛公綽遽謂

之曰惜哉至道來於賊臣之境雖驗何益乃沈之于江  
晉張希崇為靈州節度使性雖仁恕或遇姦惡嫉之若  
仇讐

冊府元龜卷八百八

欽定四庫全書

冊府元龜卷八百九

宋王欽若等撰

總錄部

隱逸

夫隱居以求志遯世而無悶含華匿耀高翔遠引非夫  
德充而義富學優而誠篤又孰能懷道自晦絕俗而孤  
舉哉故仲尼之序逸民馬遷之述隱君子班范而下罔  
不論次焉觀其明哲兼茂卷懷自得潔已而無污亢節

而靡屈遺榮去羨保和養素忘機委順達天遂命得喪  
不嬰其慮悔吝靡集其躬乃至形于話言晦其名氏混  
於屠釣同其出處辭避徵聘轉造窮僻屏跡長往流風  
莫挹人遐室邇形於歎息斯固素履之君子考槃之碩  
人視富貴如浮雲入山林而不返者與

牧者不知姓名齊人也吳延陵季子遊於齊見遺金呼  
牧者取之牧者曰何子居之高而視之下也貌之君子  
而言之野也吾有君不臣有侯不友暑衣葛寒衣裘吾

豈取金者乎延陵子知其為賢者請問姓字牧者曰子乃皮相之士也何足語姓字哉遂去延陵季子立而望之不見乃止

老子脩道德為周守藏室之史孔子往問禮焉其學以自隱無名為務居周久之見周之衰乃遂去孔子死後百二十九年而周太史儋見秦獻公或曰儋即老子或曰非也世莫知其然否老子隱君子也

楚狂接輿歌而過孔子

接輿楚人伴狂而來歌欲以感切孔子也

曰鳳兮鳳



兮何德之衰

比孔子為鳳待聖王乃見非孔子周行求合故曰衰也

往者不可諫

已往所行不可復諫止也

來者猶可追

自今已來可追自止避亂隱居

已而已而今

之從政者殆而

言已而者言世亂已甚不可復治也再言之者傷之深也

孔子下欲

與之言

下下趨也

而辟之不得與之言

長沮桀溺耦而耕孔子以為隱者使子路問津焉長沮

曰彼執輿者為誰子路曰為孔丘曰是魯孔丘與曰然

曰是知津矣

言數周流自知津處

桀溺謂子路曰子為誰曰為仲

由曰子孔丘之徒與曰然桀溺曰滔滔者天下皆是也

而誰以易之

滔滔者流而不反之意言當今天下且而治亂同空舍此彼適故曰誰以易

與其從辟人之士豈若從辟世之士哉

士有辟人之法有辟世之

法長沮桀溺謂孔子之為士從辟人之法者也已之為士則從辟世之法也

耨而不耨耨覆

輟止也覆種不止不以津告也

子路行以告孔子憮然

為其不達已意而非已曰

鳥獸不可與同羣

隱于山林是同羣

天下有道丘不與易也

凡

下有道者丘皆不與易也已大而人小故也

晨門者石門之闍人也子路宿於石門晨門曰奚自子

路曰自孔氏曰是知其不可而為之者與

言孔子知世不可為而強

為之

有荷蕢而過門者曰有心哉擊磬乎

時孔子擊磬於衛蕢草器也有心契

也契然硜硜乎莫已知也斯已而已矣

此硜硜者徒信已而已言亦無益也

深則厲淺則揭

以衣涉水為厲揭揭衣也言隨世之行已若過水必以濟知其不可則當不為

子曰果哉末之難矣

未知已志而便譏已所以為果

丈人以杖荷篠

丈人老人也篠竹器

子路問曰子見夫子乎丈人

曰四體不勤五穀不分孰為夫子

丈人云不勤勞四體不分植五穀誰為

夫子而植其杖而芸

植倚也除草曰芸

子路拱而立

未知所

止

子路宿殺雞為黍而食之見其二子焉明日子路行以

告夫子曰隱者也使子路反見之至則行矣

子路反至其家丈人

出行不在

伯夷叔齊虞仲夷逸朱張柳下惠少連

此七人皆逸民之賢者

顏闔得道之人也魯君聞之使人以幣先焉顏闔守閭  
簔布之衣而自飯牛魯君之使者至顏闔自對之使者

曰此顏闔之家耶顏闔對曰此闔之家也使者致幣顏

闔對曰恐聽謬而遺使者罪不若審之

恐誤謬致幣而得罪故勸令審

也之使者還審之後來求之則不得顏闔踰垣而逃之故不得

漢東園公角里先生綺里季夏黃公年皆八十有餘鬚眉皓白四人者皆以高祖慢侮人故逃匿山中義不為漢臣

安丘望之少治老子經恬靜不求進宦號曰安丘丈人成帝聞欲見之望之辟不肯見為巫醫於人間也

谷口鄭子真蜀嚴君平

地理志謂君平為嚴尊三輔決錄云子真名樸君平名遵則君

平子真皆其字也皆修身自保非其服弗服非其食弗食大將

軍王鳳以禮聘子真子真遂不詘而終

君平卜筮成都市杜陵李彊素

善揚雄久之為益州牧喜謂雄曰吾真得嚴君平矣雄曰君備禮以待之彼可見而不可得詘也彊心以為不然及至蜀致禮與相見卒不敢言以為從事乃歎曰揚子雲誠知人君平年九十餘遂以其業終蜀人愛敬至

今稱焉

後漢梅福為南昌尉居家嘗以讀書養性為事平帝元始中王莽顯政福一朝棄妻子去九江至今傳以為仙其後人有見福於會稽者變姓名為吳市門卒

涪翁者不知何出嘗漁釣於涪水因號涪翁乞食人間

見有疾者時下針石輒應手效乃著針經診脈法傳於世弟子程高尋求積年翁乃授之高亦隱跡不仕

逢萌北海都昌人也居瑯邪勞山養志脩道光武詔書徵萌萌以老耄迷路東西語使者云朝廷所以徵我者以其益於政尚不知方向所在安能濟時乎即便駕歸連徵不起以壽終

王霸字孺仲太原廣武人也少有清節建武中徵至尚書拜稱名不稱臣有司問其故霸曰天子有所不臣諸

侯有所不友司徒侯霸讓位於霸閭陽毀之曰太原俗

黨孺仲頗有其風遂止

太原多晉公族子孫以詐力相傾矜夸功名報仇過直漢興號

為難化

以病歸隱居守志茅屋蓬戶連徵不至以壽終

淳于恭不慕榮名州郡連召不應建武中郡舉孝廉司空辟皆不應客隱瑯邪黔陬山數十年

嚴光字子陵會稽餘姚人少有高名與光武同遊學及光武即位光乃變名姓隱身不見帝思其賢乃令以物色訪之後至舍於北軍車駕幸其館良久乃張目熟視



曰昔唐堯著德巢父洗耳士故有志何至相迫乎除為  
諫議大夫不屈乃耕於富春山建武十七年復特徵不  
至終於家

馮胄隱處山澤不應徵辟

樊英南陽魯陽人隱於壺山之陽受業者四方而至州  
郡前後禮請不應公卿舉賢良方正有道皆不行

鄭敬字次都清志高世光武連徵不至隱處於大陂中  
逢陰就虞延並避不行同郡鄧敬因折芟為坐以荷薦

肉瓠以盛酒言談彌日蓬廬草門琴書自娛

野王二老者不知何許人也初光武貳於更始會關中  
擾亂遣前將軍鄧禹西征送之於道既反因於野王獵  
路見二老者即禽

即就也

光武問禽何向並舉手西指言

此多虎臣每即禽虎亦即臣大王勿往也光武曰苟有  
其備虎亦何患父曰何大王之謬邪昔湯即桀於鳴條  
而大城於亳武王亦即紂於牧野而大城於郊廓彼二  
王者其備非不深也是以即人者人亦即之雖有其備

庸可忽乎光武悟其旨顧左右曰此隱者也將用之辭而去莫知所在

向長字子平河內朝歌人隱居不仕性尚冲和好通老易王莽大司空王邑辟之連年乃至欲薦之於莽固辭乃止潛隱於家讀易至損益卦喟然歎曰吾已知富不如貧貴不如賤但未知死何如生耳建武中男女娶嫁既畢勅斷家事勿相關當如我死也於是遂肆意與同好北海禽慶俱遊五嶽名山竟不知所終

王君公平原人曉陰陽懷德穢行王莽末遭亂僮牛自

隱

僮謂平會兩家賣買之價

時人為之語曰避世牆東王君公

嵇康高士

傳曰君公明易為郎數言事不用乃自汚與官婢通免歸佯狂僮牛口無二價也

梁鴻字伯鸞扶風平陵人也嘗欲隱居避患乃與妻子孟

光共入霸陵山中因東出關過京師作五噫之歌曰陟

彼北芒兮噫顧覽帝京兮噫宮室崔嵬兮噫人之劬勞

兮噫遼遼未央兮噫肅宗聞而悲之求鴻不得乃易姓

運期名耀字侯光與妻子居齊魯之間有頃又去適吳

將行作詩至吳依大家臯伯通居廡下為人賃舂每歸妻為具食不敢於鴻前仰視舉案齊眉伯通察而異之曰彼傭能使其妻敬之如此非凡人也乃方舍之于家鴻潛閉著書十餘篇

韋逢泰以經行知名不應州郡之命大將軍梁冀辟不就桓帝公車備禮徵至霸陵稱病歸乃入雲陽山采藥不反有司舉泰加罪帝特原之

高鳳字文通南陽葉人也年老執志不倦名聲著聞太

守連召請恐不得免自言本巫家不應為吏又詐與寡嫂訟田遂不仕將作大匠任隗舉鳳直言到公車託病逃歸推其財產與兄子隱身漁釣終於家

臺佟字孝威魏郡鄴人隱於武安山鑿穴為居採藥自給章帝建初中州辟不就刺史行部乃使從事致謁佟載病往謝刺史乃執贄見佟曰孝威居身如是甚苦如何佟曰佟幸得保終性命存神養和如明使君奉宣詔書夕惕庶事反不苦邪遂去隱逸終不見

韓康字伯休一名恬休京兆霸陵人家世著姓常采藥  
名山賣長安市口不二價三十二年時有女子從康買  
藥康守價不移女子怒曰公是韓伯休耶乃不二價乎  
康歎曰我本欲避名今小女子皆知有我何用藥為  
乃遯入霸陵山中博士公車連徵不至桓帝乃備玄纁  
之禮以安車聘之使者奉詔造康不得已乃許諾辭安  
車自乘柴車冒晨先使者發至亭亭長以韓徵君當過  
方發人牛脩道橋及見康柴車幅巾以為田叟也使奪

其牛康即釋駕與之有頃使者至奪牛翁乃徵君也使  
者欲奏殺亭長康曰此自老子與之亭長何罪乃止  
康因道逃遁以壽終

矯慎字仲彥扶風茂陵人少好黃老隱遯山谷因穴為  
室仰慕松喬導引之術汝南吳蒼甚重之因遺書以觀  
其志曰仲彥足下勤處隱約雖乘雲行泥棲宿不同每  
有西風何嘗不歎蓋聞黃老之言乘虛入冥藏身遠遯  
亦有理國養人施於為政至如登山絕迹神不著其證



人不觀其驗吾欲先生從其可者於意何如昔伊尹不  
懷道以待堯舜之君方今明明四海開闢巢許無為箕  
山夷齊悔入首陽足下審能騎龍弄鳳翔嬉雲間者亦  
非狐兔燕雀所敢謀也慎不答年七十餘竟不肯娶後  
忽歸家自言死日及期果卒後人有見慎於燉煌者故  
前世異之或云神仙焉

馬瑤隱於沂山以免置為事所居俗化百姓美之號馬  
牧先生

戴良汝南慎陽人舉孝廉不就再辟司空府彌年不到

州郡迫之乃遜辭詣府悉將妻子既行在道因逃入江

夏山中優游不仕以壽終

初良五女並賢每有求姻輒便許嫁疎裳布被竹筍木屐

以遺之五女能遵其訓皆有隱者之風焉

漢陰老父者不知何許人也桓帝延熹中幸竟陵過雲

夢臨沔水百姓莫不觀者有老父獨耕不輟尚書郎南

陽張溫異之使問曰人皆來觀老父獨耕不輟何也老

父笑而不對溫下道百步自與言老父曰我野人耳不

達斯語請問天下亂而立天子邪理而立天子邪立天子以父天下邪疲天下以奉天子邪昔聖王宰世茅茨采椽而萬人以寧今子之君以勞人自縱逸遊無忌吾為子羞之子何忍欲人觀之乎温大慙問其姓名不告而去

陳留老者不知何許人也桓帝世黨錮事起守外黃令陳留張升去官歸鄉里道逢友人共班草而言升曰吾聞趙殺鳴犢仲尼臨河而反覆巢竭淵龍鳳逝而不

至今宦豎日亂陷害忠良賢人君子其去朝乎夫德之不建人之無援將性命之不免奈何因相抱而泣老父趨而過之植其杖太息言曰吁二大夫何泣之悲也夫龍不隱鱗鳳不藏羽網羅高縣去將安所雖泣何及乎二人欲與之語不顧而去莫知所終

龐公者南郡襄陽人也居峴山之南未嘗入城府夫妻相敬如賓荊州刺史劉表數延請不能屈乃就候之謂曰夫保全一身曷若保全天下乎龐公笑曰鴻鵠巢於

高林之上暮而得所棲黿鼉穴於深淵之下夕而得所宿夫趨舍行止亦人之巢穴也且各得其棲宿而已天下非所保也因釋耕於壠上而妻子耘於前表指而問曰先生苦居畝畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未為無所遺也表歎息而去後遂攜其妻子登鹿門山因采藥不反

魏焦先字孝然河東人後漢中平末白波賊起時先年

二十餘與同郡侯武陽相隨武陽年小有母先與相扶  
接避白波東客揚州取婦建安初來西還武陽詣太陽  
占戶先留陝界至十六年關中亂先失家屬獨竄於河  
渚間食草飲水無衣履太陽長朱南望見之謂為亡士  
欲遣船捕取武陽語縣此狂癡人耳遂注其籍給廩日  
五升後有疫病人多死者縣常使埋藏童兒豎子皆輕  
易之然其行不踐邪徑必循阡陌及其捃拾不取大穗  
饑不苟食寒不苟衣結草以為裳科頭徒跣每出見婦

人則隱翳須去乃出自作一蝸牛廬淨掃其中營木為  
牀布草蓐其上至天寒時構火以自炙呻吟獨語饑則  
出為人客作飽食而已不取其直又出於道中邂逅與  
人相遇輒下道藏匿或問其故常言草茅之人與狐兔  
同羣不肯妄語明帝太和青龍中嘗持一杖南度淺河  
水輒獨云未可也繇是人頗疑其不狂至齊王嘉平中  
太守賈穆初之官故過其廬先見穆再拜穆與語不應  
與食不食穆謂之曰國家使我來為卿作君我食卿卿

不肯食我與卿語卿不應我如是我大中為卿作君當  
去耳先乃曰寧有是邪遂不復語其明年大發卒將伐  
吳有竊問先今討吳何如先不肯應而謬歌曰祝嘏祝  
嘏非魚非肉更相追逐本心為當殺群羊更殺其殺羶  
邪郡人不知其謂會諸軍敗好事者乃推其意疑群羊  
謂吳殺羶謂魏於是後人僉謂之隱者也議郎河東董  
經特嘉異節與先非故人密往觀之經到乃奮其白鬚  
為如與之有舊者謂曰阿先濶乎念共避白波時不先



熟視而不言經素知其昔受武陽恩因復曰念武陽不

先乃曰已報之矣經又復挑欲與語遂不肯復應後歲

餘病亡時年八十九矣

高士傳曰世莫知先所出或言生乎漢末自陝居太陽無父母

兄弟妻子見漢室衰乃自絕不言及魏受禪常結草為廬於河之湄獨止其中冬夏常不著衣卧不設席又無草蓐以身親土其體垢滂皆如泥漆五形盡露不行人間或數日一食欲食則為人賃作人以衣衣之乃使限功受直足得一食輒去人欲多與終不肯取亦有數日不食時行不絲邪徑目不與女子逆視口未嘗言雖有驚急不與人語遺以食物皆不受河東太守杜恕嘗以衣服迎見而不與語司馬景王聞而使安定太守董經因事過視又不肯語經以為大賢其後野火燒其廬先因露寢遭大雪大至先袒卧不移人以為死就視如故

不以為病人莫能審其意度年可百歲餘乃卒或問皇甫謐曰焦先何人也曰吾不足以知之也考之於表可畧而見矣夫世之所常趣者榮味也形之所不可釋者衣裳也身之所不可離者室家也口之所不能已者言語也心之不可絕者親戚也今焦先棄榮味釋衣服離室家絕親戚閉口不言曠然與天地為棟宇闔然合至道之前出羣形之表入玄寂之幽一世之人不足以掛其意四海之廣不能以回其顧妙乎與夫三皇之先者同矣結繩已來未及其至也豈羣言之所能髣髴常心之所得測量哉彼行人所不能行堪人所不能堪犯寒暑不以傷其性居曠野不以恐其形遭驚急不以迫其慮離榮愛不以累其心捐視聽不以汙其耳目舍足於不損之地居身於獨立之處延年歷百壽越期頤雖上識不能尚也自羲皇已來一人而已矣故梁州刺史耿籟以先為仙人也北地傅玄謂之性同禽獸並為之傳而莫能測之

扈累字伯重京兆人後漢初平中山東人有青牛先生者字正方客三輔曉知星歷風角鳥情常食青箱芡華年似五六十者人或親識之謂其已百餘歲矣初累年四十餘隨正方遊學人謂之得其術有婦無子建安十六年三輔亂又隨正方南入漢中漢中壞正方入蜀累與相失隨徙民詣鄴遭疾疫喪其婦至文帝黃初元年又徙詣雒陽遂不復娶婦獨居道側以甌甑為障施一厨牀食宿其中晝日潛思夜則仰視星宿吟詠內書人

或問之閉口不肯言至齊王嘉平中年八九十才若四五  
十者縣官以其孤老給廩日五升五升不足食頗行傭  
作以裨糧糧盡復出人與不取食不求美衣弊緼故後  
一二年病亡

寒貧者本姓石字德林安定人也後漢建安初客三輔  
是時長安有宿儒樂文博者門徒數千德林亦就學始  
精詩書後好內事於衆輩中最玄默至十六年關中亂  
南入漢中初不治產業不畜妻孥常讀老子五千文及

諸內書晝夜吟詠到二十五年漢中破隨衆還長安遂  
癡愚不復識人食不求味冬夏常衣弊布連結衣體如  
無所勝目如無所見獨居窮巷小屋無親里人與之衣  
食不肯取郡縣以其鰥窮給廩日五升食不足頗行乞  
乞不取多人問其姓字口不肯言故因號之寒貧也或  
素有與相知者往存卹之輒拜跪繇是人謂其不癡車  
騎將軍郭淮以意氣呼之問其所欲亦不肯言淮因與  
脯糒及衣不取其衣取其脯一胸糒一升而止

蜀譙秀字元彥巴西人性清靜不交於世知將大亂豫  
絕人事從兄弟及諸親舊不與相見州郡辟命及李雄  
盜蜀安車徵秀又雄叔父驤驤子壽辟命皆不應常冠鹿  
皮躬耕山藪

晉孫登字公和汲郡共人無家屬於郡北山為土窟居  
之夏則編草為裳冬則披髮自覆好讀易撫一絃琴見  
者皆親樂之性無恚怒人或投諸水中欲觀其怒登既  
出便大笑時遊人間所經家或設衣食者一無所受辭去

皆捨棄常往宜陽山有作炭人見之知非常人與語登亦不應文帝聞之使阮籍往觀於蘇門山遇之與商畧終古及栖神導氣之術登皆不應籍因長嘯而退至半嶺聞有聲若鸞鳳之音響乎巖谷乃登之嘯也遂歸著大人先生傳嵇康從之游三年問其所圖終不答康每歎息將別謂曰先生竟無言乎登乃曰子識火乎火生而有光而不用其光果在於用光人生而有才而不用其才果在於用才故用光在乎得薪所以保其耀用才

在乎識真所以全其年今子才多識寡難乎免於今之  
世矣子無求乎康不能用果遭非命仍作幽憤詩曰昔  
慙柳下今愧孫登或謂登以魏晉去就易生嫌疑故或  
嘿者也竟不知所終

董京字威輦不知何郡人初與隴西計吏俱至雒陽被  
髮而行逍遙吟詠常宿白社中時乞於市得殘碎繒絮  
結以自覆全帛佳繇則不肯受或見推排罵辱曾無怒  
色孫楚時為著作郎數就社中與語遂載與俱歸京不



肯坐楚乃貽之書勸以今堯舜之世胡為懷道迷邦京  
答之以詩其卒章云萬物皆賤惟人為貴動以九州為  
狹靜以環堵為大後數年遁去莫知所之於其所寢處  
惟有一石竹子及詩二篇

朱沖南安人好學而貧武帝咸寧四年詔補博士沖稱  
疾不應尋又詔曰東宮官屬亦宜得履蹈至行敦悅典  
籍者其以沖為太子右庶子沖每聞徵書至輒逃入深  
山時人以為梁管之流

夏統字仲御會稽永興人幼孤貧養親以孝聞睦於兄弟每採杞求食星行夜歸或至海邊拘蠅蠅以資養雅善談論宗族勸之仕謂之曰知清亮質直可作郡綱紀與府朝接自當顯至如何甘辛苦於山林畢性命於海濱也統勃然作色曰諸君待我乃至此乎使統屬太平之時當與元凱評議出處遇濁代念與屈生同汙共泥若行汙隆之間自當耦耕沮溺豈有辱身曲意於郡府之間乎聞君之談不覺寒毛盡戴白汗四匝顏如渥

丹心熱如炭舌縮口張兩耳壁塞也言者大慙統自此遂不與宗族相見會母疾統視醫藥宗親因得見之

郭文字文舉河內軹人少愛山水尚嘉遯年十三每遊山林彌旬忘返父母終服畢不娶辭家遊名山歷華陰之崖以觀石室之石函雒陽陷乃步擔入吳興餘杭大滌山中窮谷無人之地倚木於樹苔覆其上而居焉亦無壁障時猛獸為暴入室害人而文獨宿十餘年卒無患害常著鹿裘葛巾不飲酒食肉區種菽麥獵者時往

寄宿文夜為擔水而無勸色王導聞其名遣人迎之文不肯就船車荷擔徒行既至導置之西園園中果木成林又有鳥獸麋鹿因以居文焉於是朝士咸共觀之文頽然箕踞傍若無人温嶠常問文曰人皆有六親相娛先生棄之何樂文曰本行學道不謂遭世亂欲歸無路是以來也又問曰饑而思食壯而思室自然之性先生安獨無情乎文曰情繇憶生不憶故無情又問曰先生獨處窮山若疾病遭命則為烏鳥所食顧不酷乎文曰

藏埋者亦為螻蟻所食復何異乎又問曰猛獸害人人之所畏而先生獨不畏邪文曰人無害獸之心則獸亦不害人又問曰苟世不寧身不得安今將用先生以濟時若何文曰山草之人安能佐世

張忠字巨和中山人永嘉之亂隱于太山恬靜寡欲清虛服氣滄芝餌石脩導養之法冬則緼袍夏則帶索無琴書之適不脩經典勸教但以至道虛無為宗其居依崇巖幽谷鑿地為窟室弟子亦以窟居去忠六十餘步

五日一朝其教以形不以言弟子受業觀形而退立道壇于窟上每旦朝拜之食用瓦器鑿石為釜左右居人饋之衣食一無所受好事少年頗或問以水旱之祥忠曰天不言而四時行焉萬物生焉陰陽之事非窮山野叟所能知之其遣諸外物皆此類也年在期頤而視聽無爽苻堅遣使徵之使者至忠沐浴而起謂弟子曰吾餘年無幾不可以逆時主之意浴訖就車及至長安堅賜以冠衣辭曰年朽髮落不堪衣冠請以野服入覲從之

及見堅謂之曰先生考槃山林研精道素獨善之美有  
餘兼濟之功未也故遠屈先生將任齊尚父忠曰昔因  
喪亂避地太山與鳥獸為侶以全朝夕之命屬堯舜之  
世思一奉聖顏年衰志謝不堪展効尚父之况非敢竊  
擬山棲之性情存巖岫乞還餘齒歸死岱宗堅以安車  
送之

范長生隱蜀西山巖居穴處求道養志後蜀李雄欲立  
為君而臣之長生固辭

謝敷字敬緒會稽人性澄靜寡欲入太平山十餘年鎮  
軍郝愔召為主簿臺徵博士皆不就初月犯少微少微  
一名處士星占者以隱士當之譙國戴逵有美才人或  
憂之俄而敷死會稽人士以嘲吳人云吳中高士便是  
求死不得死

陶淡侃之孫於長沙臨湘山中結廬居之養一白鹿以  
自偶親故有候之者輒移渡澗水莫得近之州舉秀才  
淡聞遂轉逃羅縣埤山中終身不反莫知所終



宋纖燉煌效穀人隱居于酒泉南山太守楊宣畫其象於閣上出入視之作頌曰為枕何石為漱何流身不可見名不可求酒泉太守馬岌高尚之士也具威儀鳴鏡鼓造焉纖高樓重閣距而不見岌歎曰名可聞而身不可見德可仰而形不可覩吾今而後知先生人中之龍也銘詩于石壁曰丹崖百丈青壁萬尋竒木蒼鬱蔚若鄧林其人如玉維國之琛室邇人遐實勞我心

葛洪為人木訥不好榮利閉門却掃未嘗交遊於餘杭

山見何幼道郭文舉目擊而已各無所言洪尤好神仙  
導養之法從祖玄吳時學道得仙號曰葛仙公以其鍊  
丹秘術授弟子鄭隱洪就隱學悉得其法焉後師事南  
海太守鮑玄玄亦內學逆占將來見洪深重之以女妻  
洪洪傳玄業兼綜練醫術後選為散騎常侍領大著作  
洪固辭不就以年老欲鍊丹以祈遐壽聞交趾出丹求  
為句漏令成帝以洪資高不許洪曰非欲為榮以有丹  
耳帝從之洪遂將子姪俱行至廣州刺史鄧嶽留不聽

去洪乃止羅浮山鍊丹嶽表補東莞太守又辭不就嶽  
乃以洪兄子望為記室參軍在山積年優游閒養著述  
不輟後忽與嶽疏云當遠行尋師尅期便發嶽得疏狼  
狽往別而洪坐至日中兀然若睡而卒嶽至遂不及見  
時年八十一視其顏色如生體亦柔軟舉尸入棺甚輕  
如空衣世以為尸解得仙云

許邁字叔玄一名映丹陽句容人家世上族而邁少恬靜不  
慕仕進未弱冠嘗造郭璞璞為之筮遇泰之大畜其上六

爰發璞謂曰君元吉自天宜學升遐之道時南海太守  
鮑靚隱跡潛遁人莫之知邁乃往候之探其至要父母  
尚存未忍違親謂餘杭懸雷山近延陵之茅山是洞庭  
西門潛通五嶽陳安世茅季偉嘗所遊處于是立精舍  
于懸雷而往來茅嶺之洞室放絕世務以尋仙館朔望  
時節還家定省而已父母既終乃遣婦孫氏還家攜其  
同志徧遊名山焉初採藥于桐廬縣之桓山餌朮涉三  
年映欲斷穀以此山近人不得專一四面藩之好道之

徒欲相見者登樓與語以此為樂嘗服氣一氣千餘息  
穆帝永和二年移入臨安西山登巖茹芝眇爾自得  
有終焉之志乃改名玄字遠遊與婦書告別又著詩十二  
首論神仙之事焉王羲之造之未嘗不彌日忘歸相與  
為世外之交玄遺羲之書云自山陰南至臨安多有金  
堂玉室仙人芝草左元放之徒漢末諸得道者皆在焉  
羲之自為之傳述靈異之迹多不可詳記玄自後莫測  
所終好道者皆謂之羽化矣

翟莊字祖休湯之子少以孝友著名遵湯之操不交人  
物耕而後食語不及俗唯以弋釣為事及長不復獵或  
問漁獵同是害生之事而先生止去其一何哉莊曰獵  
自我釣自物未能頓盡故先節其甚者且夫貪餌吞鈎  
豈我哉時人以為知言晚節亦不復釣端居華門歎菽  
飲水州府禮命及公車徵並不就

瞿劭先生者不得姓名亦不知何許人也海西公太和  
末常居宣城郡界文脊山中有瞿劭因以為名焉大司

馬桓溫嘗往造之既至見先生被鹿裘坐于石室神無  
忤色溫及僚佐數十人皆莫測之乃命伏滔為之銘贊  
竟卒于山中

孟陋武昌人少而貞立清操絕倫衣布蔬食以文籍自  
娛口不及世事未曾交游時或弋釣孤興獨往雖家人  
亦不知其所之也

劉麟之字子驥南陽人光祿大夫耽之族也麟之少尚  
質素虛退寡欲不脩儀操人莫之知好游山澤志存遊

逸常採藥至衡山深入忘反見有一澗水南有二石困  
一困閉一困開水深廣不得過欲還失道遇伐弓人問  
徑僅得還家或說困中皆仙靈方藥諸雜物麟之欲更  
尋索終不復知處也車騎將軍桓沖聞其名請為長史  
麟之固辭不受沖嘗到其家麟之于樹條桑使者致命  
麟之曰使君既枉駕光臨宜先詣家君沖聞大愧於是  
乃造其父父命麟之然後方還拂短褐與沖言話父使  
麟之于內自持濁酒蔬菜供賓沖勅人代麟之斟酌父



辭曰若使從者非野人之意也沖慨然至昏乃退

公孫鳳字子鸞上谷人隱于昌黎之九城山谷冬衣單  
布寢處土牀夏則并食于器停令臭敗然後食之彈琴  
吟咏陶然自得人或異之莫能測也慕容暉以安車徵  
至鄴及見暉不言不拜衣食舉動如在九城賓客造請  
尠得與言數年病卒

公孫永字子陽襄平人少好學恬虛隱于平郭南山不  
娶妻妾非身所墾植則不衣食之吟咏巖間欣然自得

年餘九十操尚不虧與公孫鳳俱被慕容暉徵至鄴及見暉不拜王公已下造之皆不與言雖經隆冬盛暑端然自若一歲餘詐狂暉送還平郭後苻堅又將備禮徵之難其年耆路遠乃遣使者致問未至而永亡堅深悼之謚曰崇虛先生

石垣字洪孫自云北海劇人居無定所不娶妻妾不營產業食不求美衣必羸敝或有遺其衣服受而施人人有喪葬輒杖策弔之路無遠近時有寒暑必在其中或

同日共時咸皆見焉又能閻中取物如畫無差姚萇之  
亂莫知所終

王嘉隴西安陽人不食五穀不衣美麗清虛服氣不與  
世人交游隱於東陽谷鑿崖穴居弟子受業者數百人  
亦皆穴處石季龍之末棄其徒衆至長安潛隱于終南  
山結菴廬而止門人聞而復隨之乃遷于倒獸山苻堅  
累徵不赴公侯已下咸躬往叅請好尚之士無不師宗  
之

郭瑀燉煌人隱于臨松薤谷鑿石窟而居服栢實以輕  
身作春秋墨說孝經錯緯弟子著錄千餘人張天錫遣  
使者孟公明持節以蒲輪玄纁備禮徵之遺瑀書曰先  
生潛光九臯懷真獨遠心與至境冥符志與四時消息  
豈知蒼生倒懸四海待拯者乎孤恭承時運負荷大業  
思與賢明同贊帝道昔傳說龍翔殷朝尚父鷹揚周室  
孔聖車不停軌墨子駕不俟旦以皆黔首之禍不可以不  
救君不獨立道繇人弘故也况今九服分為狄場二都

盡為戎穴天子辟陋江東名教淪于左衽創毒之甚開  
闢未聞先生懷濟世之才坐觀而不救其于仁智孤竊  
惑焉故遣使者虛左授綬鶴企先生乃眷下國公明至  
山瑀指翔鴻以示之曰此鳥也安可籠哉遂深逃絕跡  
公明拘其門人瑀歎曰吾逃祿非避罪也豈得隱居行  
義害及門人乃出而就徵及至姑臧值天錫母卒瑀括  
髮入弔三踊而出還于南山及天錫滅苻堅又以安車  
徵瑀定禮儀會父喪而止

董景道弘農人晉永平中知天下將亂隱于商雒山衣  
木葉食樹果彈琴歌嘯以自娛毒蟲猛獸皆遠其傍是  
以劉元海及聰屢徵皆避而不達至劉曜時出山廬于  
渭汭曜徵為太子少傅散騎常侍並固辭竟以壽終

宋韋玄避吏隱于長安南山武帝入關以太尉掾徵不  
至

戴顥字仲若父逵兄勃並隱遁有高名顥年十六丁父  
憂幾滅性乃與勃居桐廬及卒顥以桐廬僻遠難以養

疾乃出居吳下吳下士人共為築室聚石引水植林開澗  
少時繁密有若自然乃述莊周大旨著逍遙論注禮記  
中庸三吳將守及郡內衣冠要其同遊野澤堪行便去  
不為矯介衆論以此多之武帝命為太尉行叅軍不就  
及踐阼徵為通直郎散騎常侍皆不起文帝每欲見之  
嘗謂黃門侍郎張敷曰吾東巡之日當讌戴公山也

孔淳之字彥深魯郡人父粲秘書監徵不就淳之少有  
高尚愛好墳籍為太原王恭所稱居會稽剡縣性好山

水每所遊必窮其幽峻或旬日忘歸嘗遊山遇沙門釋  
法崇因留共止遂停三載法崇歎曰緬想人外三十年  
矣今乃傾蓋于茲不覺老之將至也及淳之還反不告  
以姓除著作佐郎不就與徵士戴顓王弘之及王敬弘等共  
為人外之遊敬弘以女適淳之子尚會稽太守謝方明  
苦要入郡終不肯往茅屋蓬戶庭草蕪徑唯牀上有數  
帙書元嘉初復徵為散騎侍郎乃逃於上虞縣界弟默之為  
廣州刺史出都與別即日命駕東歸遂不顧也



雷次宗字仲倫豫章南昌人也少入廬山事沙門釋慧遠篤志好學尤明三禮毛詩隱退不交世務本州辟從事員外散騎侍郎徵並不就文帝元嘉十五年徵次宗至京師開館於鷄籠山聚徒教授置生百餘人會稽朱膺之潁川庾蔚之並以儒學監總諸生時國子學未立文帝留心藝術使丹陽尹何尚之立玄學太子率更令何承天立史學司徒謝元立文學凡四學並建車駕數幸次宗學館資給甚厚又除給事終不就冬還廬山公卿以下並設祖

道二十五年詔散騎侍郎徵詣京邑為禁室于鍾山西  
巖下謂之招隱館使為皇太子諸王講喪服經次宗不  
入公門乃使自華林東門入延賢堂就業二十五年卒  
于鍾山

劉凝之字志安小名長年南郡枝江人也父期公衡陽  
太守兄盛公高尚不仕凝之慕老萊嚴子陵為人推家  
財與弟及兄子立屋于野外非其力不食州里重其德  
行州三禮辟不就後又徵為秘書郎不就臨川王義慶

使存問凝之答書頓首稱僕不脩民禮人或譏焉凝之  
曰昔老萊向楚王稱僕嚴陵亦亢禮光武未聞巢許稱  
臣堯舜時戴顛與衡陽王義季書亦稱僕凝之性好山  
水一旦攜妻子泛江湖隱居衡山之陽登高嶺絕人  
迹為小屋居之采藥服食妻子皆從其志元嘉二十五  
年卒

朱百年會稽山陰人少有高情親亡服闋攜妻入會稽  
南山樵採為業頗能言玄理時為咏歌往往有高勝之

言除太子舍人不就卒山中

關康之字伯愉河東楊人世居京口寓南平昌少而篤學  
元嘉中文帝聞康之有學義詔徵之不起棄人事守志  
閑居下邳趙繹以文義見稱康之與友善特進顏延之  
等當時名士十許人入山候之見其散髮被黃布帔席  
松葉枕一塊白石而卧了不相盼延之等咨嗟而退不  
敢干也孝武即位遣大使巡行天下使反薦康之宜加  
徵聘不見省康之性清約獨處一室希與妻子相見不

通賓客明帝時與平原明僧紹俱徵辭以疾

王素少有志行家貧母老住東陽隱居不仕頗營田園之資而得以自立愛好文義不以人俗累懷孝武即位欲搜揚隱退下詔召為太子中舍人不就

周續之字道祖鴈門廣武人好讀老易入廬山事沙門釋慧遠時彭城劉遺民遁迹廬山陶淵明亦不應徵命謂之潯陽三隱以為身不可遣餘累宜絕遂終身不娶布衣蔬食徵為太學博士不就江州刺史每相招請續

之不尚節峻頗從之遊嘗以嵇康高士傳得出處之美  
因為之注

有漁父者不知姓名亦不知何許人也孫緬為潯陽太  
守落日逍遙渚際見一輕舟凌波隱顯俄而漁父至神  
韻瀟灑垂綸長嘯緬甚異之乃問有魚賣乎漁父笑而  
答曰其釣非釣寧賣魚者耶緬益怪焉遂褰裳涉水謂  
曰竊觀先生有道者也終朝鼓棹良亦勞止吾聞黃金白璧  
重利也駟馬高蓋榮勢也今方王道文明守在海外隱

鱗之士靡然向風子胡不贊緝熙之美何晦用其若是也漁父曰僕山海狂人不達世務未辨賤貧何論榮貴乃歌曰竹竿籊籊河水泐泐相忘為樂貪餌吞鈎非夷非惠聊以忘憂于是悠然鼓棹而去

王弘之字方平瑯邪臨沂人性高尚從兄敬弘嘗薦于朝徵之不就敬弘又嘗解貂裘與之即著以采藥性好釣上虞江有一處名三石頭弘之常垂綸于此經過者不識之或問漁師得魚賣不弘之曰亦自不得得亦不

賣旦夕載魚入上虞郭經親故門各以一兩頭置門  
內而去始寧沃川有佳山水弘之又依巖築屋

翟法賜潯陽柴桑人曾祖湯湯子莊莊子矯並高尚不  
仕逃避徵辟矯生法賜少守家業立屋於廬山頂母喪  
後便不復還家不食五穀以獸皮結草為衣徵拜著作  
佐郎補散騎侍郎皆不就後家人至石室尋求因復遠  
徙違避徵聘遁迹幽深潯陽太守鄧文子表法賜隱跡  
廬山于今四世栖身幽巖人罕見者如當逼以王憲束



以巖科驅山獵草以期禽獲慮致顛殞有傷盛化乃  
止後卒于巖石之間

冊府元龜卷八百九